

004
RECTOR
ACADEMIAE LIPSIENSIS
SACRA NATALITIA
SERVATORIS AC DOMINI NOSTRI IESV CHRISTI

1512
DIE XXV. MENSIS DECEMBRIS A. R. S. MDCCCI

IN

AEDE PAVLINA

PIE CELEBRANDA

INDICIT.

Y. F. Buscher

SPICILEGIUM XXXI.

*Autographorum, illustrantium rationem, quae intercessit Erasmo
Roterodamo cum aulis et hominibus aevi sui praecipuis
omnique republica.*

THE CITY OF

NEW YORK

IN SENATE

JANUARY 1871

REPORT

OF

THE COMMISSIONERS

OF THE LAND OFFICE

IN RESPONSE TO A RESOLUTION

PASSED BY THE SENATE

APRIL 1870

ALBANY

1871

IOANNIS DE HONDT,

Canonici Curtracensis, et Decani Capituli eiusdem loci *),
Epistola A. 1520. ad Erasmum data, ex Autogr.

Ex omnibus huius viri epistolis ad ERASMV M datis haec unica superest, quae nunc tandem ex Autographo pessime scripto in lucem prodit; memorabilis, non propter latinitatem, sane non bonam, sed propter argumentum. Agit enim de *rebus Erasmi priuatis*, docetque eius illo tempore rei familiaris angustiam. (Vid. Index A. 1520. n. 2.)

In ERASMI Operibus, Tomo III. Lugd. Bat. 1703. fol. editae sunt quinque ad *Ioannem de Hondt* ERASMI epistolae, datae *Louan.* 5. Ianuarii, Anno a Natali 1518. (vid. T. III. Append. p. 1667. sequ. ep. 255.) *Basil.* post Pascha, Anno 1524. (p. 795. ep. 676.) *Basil.* 26. Iulii A. 1524. (p. 804. ep. 685.) *Basil.* 11. Februar. A. 1525. (p. 85. sq. ep. 731.) et *Basil.* 25. Augusti A. 1527. (p. 1008. sequ. ep. 887.) In prima ERASMV S eum vocat *Eximium Virum, Dominum Ioannem, cognomento de HONDT, Canonicum Curtracensem, amicum singularem.* In secunda: *Honorabilem Dominum Ioannem CANIV M,*
A 2 sue

*) Teste *Hondrio* ipso.

sive de HONDT, Canonicum Curtracensem. In tertia et quarta: *D. Ioannem de HONDT, Canonicum Curtracensem.* In quinta: *Ioannem CANIVM, Canonicum Curtracensem.*

Dicit ERASMVS, in prima illa epistola, A. 1518. *Louanii* scripta: *Liuij Potelbergii*, quondam Flandriae Quaestoris aerarii, commendatione, *Praebendam Curtracensem* in *Ioannem de Hondt* deriuatam fuisse. *Petrum Barbirium* (Canonicum Tornacensem) rerum suarum procuracionem non temere *Hondtio* mandasse, hominem nec stultum, nec indiligentem. Non opus autem esse multis *cautionibus* inter eos, apud quos valeat vetus illa formula: *Inter bonos bene agere oportet.* „Cae-
 „terum (addit) quod attinet ad *Sacerdotium* situm in Dioecesi
 „*Traiectensi*, me nulla in re difficilem senties. Sed quid ipse
 „cum *Barbirio* egerim, scio, quid tu cum illo transegeris, ne-
 „scio, quo minus habeo, quod super hac re certum respon-
 „deam; nisi quod, cum summa *pensionis* sit aestimata, et huius
 „portio quaedam duntaxat sint sacerdotia, non videtur ae-
 „quum, si quid alicunde arrosus fuerit ex illis, id de *pensionis*
 „semel aestimatae summa detrahare. — Tu proinde bona
 „agito fide, quicquid approbârit *Barbirius*, mihi comproba-
 „bitur, cuius litteras super hoc quoque negotio exspecto,
 „Is ex itinere misit ad me *pecuniam* ex *pensione* receptam; qua
 „in re et illius diligentiam, et tuam fidem, amo.“

In epistola secunda, Basil. post Pascha A. 1524. scribit ERASMVS: „venisse litteras è *Flandria*, scriptas a *Michaelē*
 „quodam *Bentino*, quae nunciarent, *Ioannem Canium*, sive de
 „*Hondt*, inimicissimo esse in *Erasmus* animo, tanquam ha-
 „reticum, cuius libri sint *pestilentiores*, *Lutheranis*, etc.“ Quare
 se defendere studet ERASMVS. In tertia vero, Basil. 26. Iulii
 A. 1524. *Virum optimum Hondtium* vocat ERASMVS, doletque,
 eum

eum litteris suis commotum fuisse, addens: nec *Beutino* fuisse vnquam apud se multum fidei. Loquitur de *Suffraganeo*, qui *Brugis* bis in publica concione debacchatus sit in nomen *Erasmi*. Item de *Barbirio*, litteris testante, se incio factum, quod alii (nimirum *Molendino*) numerata sit pecunia.

In quarta, Basil. II. Febr. A. 1525. ERASMVVS: „Minimū aberat,“ inquit, „quin te liberarem onere *pensionario*. „(nim. morte.) — *Barbirius* petiit Galliam, in comitatu *Aleandri*, nunc Archiepiscopi Brundusini, paupertate, vt autumo, „coactus. Itaque decreuit nunc raptō viuere. — Olim detraxit è *pensione* Caesaris XL, ni fallor, florenos: — nunc „inuadit hanc quoque *pensionem*. — Mitto *syngrapham* hanc, „more solito vacuam. Non grauaberis numerare *pecuniam* „vel Petro *Aegidio*, vel Marco *Laurino* Decano, aut huic *Francisco* Canonico Antuerpiensi, si forte tibi ipse litteras reddiderit.“ In quinta denique, Basil. 25. Aug. A. 1527. ERASMVVS scribit: „Pro tuo solito in me studio gratiam habeo maximam. Quod *pecunia* tam diu mansit apud *M. Laurinum*, „mihi luculento damno fuit, quod tamen nulli possum imputare, nisi moribus aulae. Si fuisset apud *Schetum*, ille „curasset, ne quid detrimenti caperem. *Petrum Barbirium* „arbitror irato Mercurio natum, qui tot annos versatus in „aulis Monarcharum, Caesaris, Romani Pontificis, idque „apud Hispanos, vbi glebae flumique ferunt aurum, tamen „nudus ad nos redierit. — Tibi precor omnia tuis digna „virtutibus. *Barbirius* mihi debet bonam *pecuniam*; optarim, „vt mature difcescat, quo posset soluere. — Posthac, si commode potes, ne cui des *pecuniam*, nisi cui iussit *Erasmus Schetus*. Is rectius curabit, vt quam minimo dispendio ad me „perueniat, homo non optime Latinus, sed tamen optimae „fidei.“

Etiā

Etiam in nonnullis ad alios epistolis ERASMVVS *Hondtii* nostri, siue *Canii*, mentionem fecit. In epistola ad Petrum *Barbirium*, Louan. 6. Martii Ann. 1518. T. III. Opp. p. 306. ep. 307. haec leguntur: „*Canonicus* ille *Canius* suapte sponte „detulit ac misit *pecuniam pensionariam*, homo melioris fidei, „quam nunc vulgus est mortalium.“ In epistola ad eundem data ex Anderlaco 23. Sept. A. 1521. (p. 662. ep. 593.) dicit ERASMVVS: „De *pensione* vtinam tam feliciter peragas negotium, quam agis lente! *Ioannes Canius* sui similis esse per- „seuerat.“ Verba sequentia, vbi sermo est de quodam in *Erasmum* debacchante, ego non de *Canio* intelligo, vt fecit auctor *Indicis*, Tomo III. Operum Erasmi (Lugduni Bat. 1703. fol.) subiuncti. Patet enim è contextu verborum, loqui ERASMVVM de *sene* quodam *Theologo* et *Carmelita*. In alia ad Petrum *Barbirium* Basil. 3. Octobr. A. 1525. (p. 893. ep. 768.) ERASMVVS: „Etiam atque etiam, inquit, te rogo, mitte quam „primum litteras testimoniales de non residendo; alioqui, „scribit *Ioannes Canius*, vtrosque nos futuros in periculo. „Miror te in hac re sic cessare, neque id nunc primum „tantum.“

Ad eundem *Barbirium*, Basil. A. 1525. (p. 901. ep. 783.) scribit ERASMVVS: „Per *Liuinum* famulum meum intelligo, „*Ioannem Molendinum* recepisse dimidium *pensionis* huius anni „à *Ioanne de Hondt*, idque auctoritate tuarum litterarum, quibus significâras, te hac in re placasse animum meum. Et ni „in tempore meas litteras attulisset *Marcus Laurinus*, Decanus „*Brugensis*, deuorasset totam. Et postea scribis, inter nos „amicitiam fore perpetuam. Vetus prouerbiū est, *vsque ad aras*, sed vetustius exemplum, *vsque ad pecunias*. Quid te „crudelius, si nudo vestimenta detrahis, et spoliatum spolias? „Tu scis, quam simplici fiducia, quam sincero pectore, totum „hoc

„hoc negotium tuae crediderim fidei, —. Quod si me fallit „*Barbirius*, nulli posthac mortalium crediturus sum.“

Ex epistolis ERASMI citatis patet simul, negotium ei fuisse, alicuius *Pensionis pecuniariae* causa, (quae *Curtracensis* vocatur in epistolis variis, inde ab anno 1517. scriptis, T. III. Opp.) cum *Petro BARBIRIO*, Canonico *Tornacensi*, et cum *Ioanne de HONDT*, siue *CANIO*, *Curtracensi*. Eadem de re, non satis perspicua, sermo est etiam in nostra, quae nunc in lucem prodit, epistola. Sed *Pensione* illa ERASMVS tandem spoliatum se conquestus est, a *Petro BARBIRIO*, nescio qua ratione; at non sine omni culpa (vt videtur putasse Erasmus) *Ioannis de HONDT*, siue *CANII*. Scripsit enim ERASMVS, Frib. Anno 1529. d. 28. Martii, (T. III. ep. 1034. p. 1176.) Angliae Baroni, Guil. *Montjoio*, in regia Angliae: „Nescio, „quem mihi fortuna cibum offerat edentulo. Certe *Petrus „Barbirius*, sic mihi adamat, sic a me litteris celebratus, „me *Pensione Curtracensi* spoliavit inaudita perfidia.“ Et in epistola, Frib. d. 31. Iulii anno 1530. duobus Adolescentibus (ignotis) scripta, (Append. T. III. p. 1747. ep. 359.) non sine bile ERASMVS: „Frustra, inquit, laceffitis *Canium* litteris vestris, qui mense Ianuario, ni fallor, nos reliquit, nec adhuc rescire potuimus, vbi locorum agat. — *Petrus Barbirius*, „qui iam dudum decoxit, plusquam *Punica perfidia* interceptit mihi „*Pensionem Curtracensem* *). Ea de re quum scripsissem alii, „quot prolixas epistolas, non ante commisi *Canio*, quam stipulatus,

*) At latent adhuc apud nos, Lipsiae, duae PETRI BARBIRII epistolae, a. 1529. et a. 1533. ad *Erasmum* missae, et ex Autogr. nondum editae, quae spectant ad hanc rem.

Vid. Index noster Epistolarum ad *Erasmum* autographarum, (Lipsiae, 1784. 8.) A. 1529. n. 24. et A. 1533. n. 6.

„pulatus, an esset petiturus *Flandriam*? Annuit. Rogavi,
 „num haberet satis viatici? Satis, inquit, usque ad *Antuer-*
 „*piam*, illic inueniam satis. Vis, inquam, tuo sumtu nego-
 „tium hoc suscipere? Ille alacri vultu, Quid nū? inquit, plura
 „tibi debeo. Ego credens, illum ex animo loqui, dedi illi
 „septem Coronatos aureos. Iam sex menses abest, nec quis-
 „quam scit, quo se bonus ille vir recepit. Miror, quibus
 „artibus vos incantauerit, ut hominem tanti faciatis. Per
 „illum vultis apud me commendari? et ipse semper eguit apud
 „me commendatore. *Bebelius* edidit Epigrammata Graeca,
 „à ducentis versa, inter quae sunt aliquot *Canii*, sed aliquot
 „puerilibus vitis respersa. Adeo vero sibi placebat, ut mihi
 „non dignaretur ostendere.“ Qui hanc epistolam, anno 1530.
 scriptam, confert cum reliquis, inde ab anno 1518. exaratis;
 vix credat; loqui ERASMVVM de illo *Canio*, siue *Io. de Hondt*,
 ad quem quinque eius epistolae exstant editae in Operibus;
 nec tamen in his Operibus alium inuenio, de quo sermo esse
 posset.

Epistolam, nunc ex Autographo pessime scripto prodeun-
 tem, dedit auctor ex *Curtrato*, d. 28. mensis Aprilis, Anno 1520.
 (v. Index h. a. n. 2.) ad *Erasmum*, *Louanii in Paedagogio Lili*
residentem, ut inscriptio docet.

Venerande et humanissime Domine, humili recommen-
 datione praemissa. Recepi, effluxis nunc aliquot diebus, et
 posteaquam *Tornaco* ¹⁾ reuersus essem, ex Synodi celebratione,
 litteras Vestrae humanitatis, beneuole ad me datas, de dato diei
 Mercurii ²⁾ in Paschalibus ³⁾ nouissime transactis, eisque in-
 clusam

1) *Tornacum*, est Belgii vrbs, quam
Dornick, Galli *Tournay*, vocant, in
Flandria Austriaca, olim *Hispanica*.

2) Die vndecimo mensis Aprilis
 A. 1520. Litterae istae non exstant
 in Operibus Erasmi.

clusam sygrapham vacuam, inscribendi gratia acquittam Termini Natiuitatis beati Iohannis Baptistae proxime adfuturi ⁴⁾); me inter caetera requirendo, quatenus (modo facultas suppeteret, modoque mihi non esset incommodum,) pecuniam Termini eiusdem instantis Vestrae Reuerentiae per Michaelem nuncium transmitterem: qua in re eidem Vestrae Reuerentiae, quam proximis diebus abfuturam intelligo ⁵⁾, et forte in remotis agituram ⁶⁾, complacuisse nouerim. Ut itaque petitioni honestae satisfacisse videar, Vestraeque Reuerentiae eo melius sum commendatus; mitto Eidem, iuxta petita, summam integram eiusdem termini adfuturi ⁷⁾, videlicet sexaginta quinque Florenorum Rhenensium communium: maiorem summae eiusdem partem in bona vsuali moneta, Stufferis videlicet, et residuum illius in auro boni et iusti ponderis. Sygrapham ipsam vacuam iam conscripsi, nihil in eadem inferendo, quod Vestrae Reuerentiae praeiudicium aut grauamen generare possit in posterum, sed fidei commissae fidelitatem seruando. Verumtamen, Venerande mi Domine, non est subticendum, quantum periculi latuerit, cum Tornacum ⁸⁾ adhuc agerem, Decanis Capituli ibidem

3) *Pascha* A. 1520. celebratum fuit d. 8. Aprilis.

4) D. 24. Iunii A. 1520.

5) Commoratus est ERASMVS, vt epistolae in Operibus eius editae doceant, postquam Hondtius hanc nostram ex Autogr. prodeuntem scripserat, A. 1520. variis locis, nimirum: *Antuerpiae* d. 13. 26. Aprilis, et d. 2. Maii; *Louanii* d. 5. et 27. Maii, d. 14. 21. Iunii; *Antuerpiae* d. 25. Iunii; *Louanii* d. 6. 30. 31. Iulii; *Antuerpiae* d. 7. et 9. Augusti; *Brugis* d. 12. Au-

gusti; *Louanii* d. 13. *Brugis* d. 23. *Louanii* d. 31. *Anderlaci* d. 31. Augusti; *Louanii* d. 1. 5. 9. 13. *Antuerpiae* d. 14. Septembris; *Louanii* d. 1. 3. 4. 8. *Anderlaci* d. 12. *Louanii* d. 18. Octobris; *Coloniae Agrippinae* d. 8. 9. 11. 13. Nouembris; *Louanii* d. 6. 13. 18. 31. Decembris.

6) Sic est in Autogr.

7) Termini Natiuitatis Iohannis Baptistae, d. 24. Iunii a. 1520.

8) Ita Autographum ipsum haber.

dem pro tunc reddentibus eorum compota ⁹⁾, more vſitato; eo videlicet, quia noſter Barbirius ¹⁰⁾ non tranſmiſerit litteras, *Significamus* nuncupatas, quae aliàs dicuntur litterae attestationis reſidentiae et familiaritatis ſuae in Curia Regis Catholici ¹¹⁾; cuius obliuio (niſi iteratis vicibus et inſtantiffime, apud Dominos Officiarios ¹²⁾, Reuerendi Domini Tornacenſes interceſſiſſent,) quaſi effecit, quod fructus Eccleſiae parochialis Sancti Egidii Waſiae ¹³⁾, et duarum Capellaniarum, Sancti Nicolai Waſiae ¹⁴⁾, et Xandenſis ¹⁵⁾, iam erant conſiſcati, et memorato Domino Tornacenſi ¹⁶⁾ affecti. Obtinui tamen precibus, vt dixi, quod nihil ex his deperditum eſt, modo intra hinc, et Feſti Natiuitatis beati Iohannis proximum, epiſtolam oſtendero, et fidem fecero eiſdem Dominis, de litteris huiusmodi, *Significamus*. Scripſi ſatis antehac, quod, Dominis ſtipulantibus, adueniente Feſto Paſchae expediret illas tranſmittere. Quid cauſae adfuit, cur litterae eaedem hucusque non applicuerint, neſcio. Caeterum, Domine Venerande, quia de beneficiis, quae Barbirius ipſe a me obtinet, dimittendis, et penſione, per Capellanum alterum, Dominum de Thurma, aſſignanda, ſcribitis, rem totam arbitrio ipſius

9) Conf. adnot. 8.

10) *Petrus Barbirius*, Canonicus *Tornacenſis*, poſthac Decanus, de quo vid. Eraſmi Opera edita, et Index noſter Epiſtolarum ad Eraſmum autogr. A. 1521. n. 3. A. 1529. n. 24. An. 1533. n. 6.

11) *Caroli V.* Rom. et Hiſpan. Regis.

12) *Aulae Caroli V. Belgicae*, cui praeerat Margareta Auſtriaca.

13) *Waſia*, ſeu *Vaſia*, eſt Belgii

regio, *T'Land van Waes* dicta, cuius pars altera nuper fuit Flandriae Hiſpanicae ſive Auſtriacae ditionis, altera Flandriae Batavae.

14) *S. Nicolaus* vocabatur vicus quidam *Waſiae*. Conf. adnot. 13. et vid. mappae geograph.

15) Haud dubie Hondtius *Xandenſis* ſcripſit pro *Sandenſis*. Vicum *Sande* habent mappae geographicae Flandriae Auſtriacae.

16) *Petro Barbirio*.

ipſius Barbirii commiſſiſſe, modo eam comprobem: ſi Barbirius praedictus, cum Rege ¹⁷⁾, iam diu deſiderato, venerit, ſecum quod honeſtum erit contractabo ¹⁸⁾; nec interero negotio, vbi Veſtrae Reuerentiae offeſum aliquid, aut praeiudicium aſſe-rens, practicabitur; quin immo cauſam Illius haud aliter, ac ſi propriam, tuebor. Abſit enim, vt alius inueniar apud Veſtram Reuerentiam, quam alii Eidem de me praedicarunt.

Dominus meus honorandus, Magiſter Iacobus de Tielt ¹⁹⁾, Cantor et Canonicus Curtraceniſis, et Secretarius Reuerendorum Dominorum Tornaceniſum, mittit quemdam honeſtum Iuuenem, cui nomen Iohannis Soti, de Ardemburgo ²⁰⁾ oriundum, pauperem, excellentis ingenii, quem pluribus annis, ob ingenii excellentiam, litteris grammaticae et arte muſicali iam ſatis edoctum, enutriuit, Louanium, in Collegio Lili ²¹⁾ artibus liberalibus inſtruendum, ad maiora tandem ipſum promoturus,

B 2

ſi, prout

17) *Carolo V.* Conf. adnot. II.

18) Id tandem fraudi fuit *Erasmio*.

19) *Tielt*, ſeu *Thielt*, eſt vicus Flandriae Auſtr.

20) *Ardemburg*, ſiue *Ardenburg*, in Flandria Bataua.

21) *Lilium* Louanii erat nomen Collegii, in quo tum temporis verſabatur *ERASMVS*. Vid. T. III. Opp. *Erasmii* Epist. 299. data ad Guil. Neſenum, *Louanio ex Lilio* 18. Ianuarii Anno 1518. pag. 292. Conf. Epist. 284. ad Antonium à Bergis, Abbatem Bertinicum, Louan. 13. Dec. A. 1517. p. 275. vbi *Erasmus*: „*Verſor*, inquit, *in Collegio Liliano*, vnde „*eſt hic*, *qui has reddit*, *Theodoricus*,

„*iuuenis feſtino feliciſque ingenio*, etc.“ In *Cornelii van Geſſel* Hiſtoria ſacra et profana Archiepiſcopatus Mechlinienſis, Hagae Comitum 1725. fol. edita, Tomo I. p. 182. in Catalogo Collegiorum Vniuerſitatis Louanienſis num. III. vocatur *Paedagogium Lilii*, additurque: „Primus fundator „fuit *Carolus Viruli*, vulgo *Manncken*, „qui et Regens per annos LVI. eius- „dem *Paedagogii* fuit, ita dicti ab „inſigni domus, quam eidem *Paeda- „gogio* legauit teſtamenti tabulis an- „no 1493., partim ad vſum paupe- „rum pro fundatione Burſarum, par- „tim ad vſum Magiſtrorum in Arti- „bus, in *Paedagogio Lilii* ſe exerci- „tantium et actualiter legentium.“

fi, prout coepit, studium suum continuauerit. Is idem Dominus, Vestrae Reuerentiae salutem plurimam dicens, Eamdem exorat, dignetur Iuuenem ipsum apud Regentem Collegii iam dicti habere commendatum. Bene valeat interim Vestra Ven. D., cui totis viribus dies et noctes morem gerere cupio. Ex Curtraco ²²⁾, die vicesima octaua mensis Aprilis, Anno 1520.

Eiusdem Vestrae Reuerentiae seruitor,

Iohannes de Hondt,

Canonicus Curtracensis,
et eiusdem loci Capituli Decanus.

Venerando et Humanissimo Domino Erasmo Roterdamo,
Sacrae paginae Professori excellentissimo, Louanii in Paedagogio Lili ²³⁾ residenti,

(*Sigillum integrum.*)

Louanii.

22) *Curtracum*, seu *Cortracum*, *Cortryck*, est Belgii vrbs, in Flandria
Gallis *Courtray*, Belgis et Germanis *Austriaca*, olim Hispanica.

23) Vid. adnot. 21.

MATTHIAE HIRSGARTTERI,

Ecclesiastae Vitodurensis ¹⁾, Epistola A. 1535. ad Erasimum
data, ex Autogr.

Auctor nobis ignotus, sed cuius nomen et munus ecclesiasticum apud Heluetios ex hac ipsa epistola patet, scripsit eam die 27. mensis *Augusti*, anno 1535. (v. Index h. a. n. 12.) *respondens ad quaestionem sibi propositam: quomodo offendicula sint tollenda de Ecclesia.*

Gratiam et pacem, rel. Frater in Christo charissime! Ut votis tuis satisfaciam, breuiter sic dico: in omnibus, quae omnium laude dignus Doctor Zuickius ²⁾ scripsit, consentio. Cum autem a me petis, quomodo offendicula sint tollenda de ecclesia, non breuiore via respondere possum, quam ex verbis Domini. Et primo ex verbis Diui Pauli Rom. 14. Cum quis infirmatur in fide, assumite, rel. Infirmus igitur est, qui ob
fidei

1) Heluetiae vrbis, quam *Winterthur*, lat. *Vitodurum*, vocant.

2) Ioannes Zuicius, seu *Zwickius*, Constantiae natus; *Iurisprudentiae*, cui operam *Basileae* et *Friburgi* dederat; *Doctor in Italia* creatus, post ea litteras theologicas tractauit, ita ut *Ruedlingae* Pastoris munere fungi posset. Inde *Constantiam* iuit anno 1525. ibique *Ecclesiastes* fuit usque ad obitum a. 1542. Perperam referunt

eum inter Theologos, in Conuentu Vitembergenſi anno 1536. apud Lutherum praesentes. Legitur autem nomen eius in catalogo Theologorum, anno 1539. ad Colloquium Norimbergae habendum qui mittendi erant, ex decreto Euangelicorum, in Conuentu h. a. Francofurti habito. Vid. Seckendorffii *Histor. Lutheran.* Lib. III. Sect. 18. §. 69. A. 1539. p. 205. a. (Francof. et Lips. 1692. fol.)

fidei imbecillitatem facile offenditur, dum quis firmus in fide libertate sua vtatur. Talis fuscipiendus est. Imo ait: assumite vel institute, hoc est, nemmend in hüpschlich an und berich- tend in. Hoc modo Deut. 4. et 12. scriptum est: Quod tibi præcipio, hoc tantum facito, nec addas quicquam, nec minuas. Ecce frater, dicas ad tuum fratrem, ea tantum displicent Domino, quae in verbo suo prohibita sunt, et ea solum placent, quae praecepta, rel. Nunc igitur cum plura offensionem obnoxia facta sunt Romani Antistitis cauponatione, qua a quibusdam interdixit, hac tantummodo fine, vt magno redimere cogeremur, quibus carere non potuimus, rel. Ex hoc manifestum sit, quod, dum Pontifex legem facit, de suo faciat. Quum autem accepta pecunia abrogat, probat, diuinum non fuisse, quod abrogat. Legem enim diuinam quis abrogare poterit? De hoc praedicat Paulus 1. Tim. 4. Haec proponas fratri tuo infirmo. Si igitur ex infirmitate frater errat, ex verbo Domini firmus efficietur. Si autem contumax, nec verbo Dei, nec quocunque modo, a sua contumacia abduci potest. Si propter contumaces istos perpetuo cogamur abstinere a libertate euangelica, nunquam erit liberum, vti illa libertate, quod semper contumaces erunt. Nunc alia via adeundum est ad illam libertatem. Videndum igitur nunc est, quisnam sit nunc numerus maior, an credentium, an contumacium et incredulorum. Si credentium nunc maior est numerus, vttere libertate tua. Et hoc est verum, si praeter turbas fieri potest et offensionem Euangelii. Nunc igitur ex praecedentibus inferas: Si ea tantummodo seruanda sunt, quae praecipit Deus, non praecipit, vt non ducas in vxorem consobrinam meam, vt clare patet Leuit. 18. Ergo iure diuino possum ducere. Quod autem Romanus Pontifex prohibuit aliquos gradus, qui in hoc capite non numerantur, ex se ipso, imo ex doctrina.

Daemo-

Daemoniorum, fecit. Imo non potest illos separare, quos Deus coniunxit, rel. Sic fecit Paulus, dum Titum nolebat circumcidere, cum prius, ob paucitatem credentium, et quod citra magnam turbam non posset resistere, Timotheum circumciderat. Sic maior semper est inspiciendus numerus, et quomodo citra tumultum fieri possit, et ne cum detrimento Euangelii fiat. Haec sunt, quae ad vota tua breuissime ac simplicissime scripsi. Doctiores Tiguri habes. Vale. Datum ³⁾ 27. die Augusti ⁴⁾, anno 1535.

Mathias Hirsgartter,
Ecclesiastes in Winterthur,
tuus ex animo frater.

(*Sigillum integrum.*)

Sed nunc indicendus est Vobis, Ciues Carissimi atque Optimi, Dies Natalis Seruatoris ac Domini nostri IESV CHRISTI pie sancteque celebrandus. Cuius rei causa proximo die XXV. Mensis Decembris Hora XII. in Aede Paulina, inter Sacra Eucharistica, Orationem anniuersariam habebit Iuuenis Ornatissimus, IOANNES CHRISTOPHORVS SCHREITER, Mauersberga-Misnicus, Sacri Ministerii Candidatus, dicturus de recolenda natalium Iesu memoria, certissima sanctoris vitae magistra. Ad quam Orationem audiendam vt frequentes confluatis, ILLVSTRISSIMI COMITES, VTRIVSQVE REIPUBLICAE

3) Vitoduri, (Winterthur vocant,) in Heluesia, vt auctoris subscriptio docet.

4) Dies 27. Augusti anno 1535. fuit feria 6. seu dies Veneris post Domin. 13. post F. Trinitatis.

BLICAE PATRES AC PROCERES GRAVISSIMI, COMMILITONES GENEROSISSIMI, NOBILISSIMI atque CARISSIMI, omni, qua par est, obseruantia et humanitate rogamus.

P. P. Domin. IV. Advent. A. R. S. clbcccci.

L I P S I A E

EX OFFICINA KLA VBARTHIA.

(margin 245)

